

Sie müssen Nachbarn sein/ vnd trachten nach der Gunst/
Vnd die Vertrewligkeit nicht achten für ein Dunst.

Derhalben die vnd die sich recht vnd wol verwahret/
Vnd macht/das Schertz vnd Ernst/das Krieg vnd Frid sich paret/

In einem schönen Baso vnd vberfesten Schloß/
In welchem stehn die Schiff/ so dauren manchen stoß/

Architectu-
ra Civilis.

A. So bald wir schreiten her vom Land/ so bald erzaiget
Sich eine Maur/ darvor der Burgermann sich naiget/

Vnd ehrt die hohe Kunst/ vnd zweifelt hin vnd her/
Ob nicht von Babylon der Lust hinkommen wer e

Gevierte Stuck/ geführt auß felsigen Gebürgen/

Darinn die Schrofengaisß mag bocken vnd erwürgen

Was sie zufretzen findt/ die schliessen wider stuck/

Vnd solche harte Fug den Einfluß treibt zuruck:

B. Durch solche feste Maur zween Thürne sein verbunden/
Darinnen werden viel der Pfeiffenwerck gefunden

Die manchen machen taub mit ihrem Donner-baß/

Entschlaffen Leutt zur See/ zu Land hin in das Gras.

C. Dort stehn zween Wassermann/ der erst ist von den Wahlen/
Verkleidt/ verschmirt/ verbrembt/ verknöpfft mit langen zahlen/

Verneht/ verstept/ verknüpfft/ verflügelt vnd verlapt/

Verlockt/ verzopfft/ verbuht/ vermuket vnd verkapt/

Ein wunderfetzam Thier die Sclaven solchen heissen/

Weil er sie mit sein Raiff vnleidenlich muß schmeissen/

Vnd schrepffen hinderwarts auff ihrer blossen Haut

Mit der stiletten Spitz/wann braucht wird Loth vnd Kraut/

Den Türcken in die Nasß vnd Rachen außzuschicken/

Daß sie an solcher Speiß vnzahlbarlich ersticken:

Wie Jan auß Desterreich mit Kugeln sie gezwickt/

Ersteckt/ erseüfft/ erlegt/ so bald er sie erblickt.

Derselbe Sclaven Herz/ der Mittelbrueckentretter/

Ab dessen Pfeifflin wol erschrecken alle Bretter/

So hafften an dem Schiff/ gleich einem Jägerknecht/

Blast hiff vnd wider hiff/ das alles gehe recht:

Dann solches wird vermerckt durch alles Gschrey vnd Gschwader/

Durch rasseln/ rumpeln/ kläpff/ durch Stoß vnd allen Hader/

Durch